

《佛說阿彌陀經要解》 補充講表

◎附表九：糅合《彌陀經要解講義》、《彌陀經要解親聞記》、《阿彌陀經要釋》
○德臘俱尊，故名長老。

※此列常隨眾上首之名。「長老」二字，貫下十六尊者，非獨指舍利弗一人。德臘俱尊者，若德重智深，是謂法性長老。若臘久年高，是耆年長老。俱者並也，德臘並尊，故名長老。此中多有德有臘者，亦有有德而無臘者，並無有臘而無德者。

○舍利弗：南天竺波羅門提舍之子，字優波提舍，號舍利弗。梵語舍利，譯為鶖鷲，弗是子的意思，合稱為鶖鷲子。又名身子，其母名鶖鷲，因身容端正，眼如鶖鷲故名。現在所云舍利弗，是連母得名故謂鶖鷲子。尊者的智慧非常，在母胎時，即能益母勝辯，年方八歲，通達一切四圍書籍，曾論勝過十六大國論師。出家七日之內，遍達佛法。智慧第一亦姑顯一德耳，十六尊者，各有偏長，非餘尊者，不具智慧；亦非身子，不具餘德。

○目連尊者，神通第一：具云目犍連，此云采菽氏。神通者：神妙莫測，通達無礙。

※《阿含經》云：「我佛法中，神通輕舉，飛到十方者，目犍連第一。」

○飲光尊者，身有金光：梵語摩訶迦葉，此云大飲光。加以大者，揀異其他迦葉也。

※傳佛心印者：迦葉傳佛心印，為西天初祖。《大梵天王問佛決疑經》三卷云：「梵王至

靈山，以金色鉢羅華獻佛，捨身為座，請佛為眾生說法。世尊登座，拈華示眾，人天百萬，悉皆罔措。獨有金色頭陀，破顏微笑。世尊云：吾有正法眼藏，涅槃妙心，實相無相，今付摩訶迦葉。」此即我佛傳心印於迦葉，為初祖。迦葉復傳心印於阿難，遞代相傳，心心相印，故稱心印。

※頭陀第一者：梵語頭陀，此云抖擻。以十二行，抖擻塵勞煩惱故。迦葉年老，不捨頭陀。

一日至世尊所，世尊讓半座，與之坐。謂其年老，勸令休息頭陀行，而迦葉仍行如故。佛讚有頭陀行，我法久存，故曰：頭陀第一。此尊者未曾入滅，佛囑傳衣彌勒，在雞足

山入滅盡定，以待彌勒佛出世。

○**文飾尊者**：即摩訶迦旃延，此云大文飾。婆羅門，此云淨裔。乃梵天苗裔。文飾尊者，博通世出世法，論議無雙，所以論議第一。

○**大膝尊者**：即摩訶俱絺羅，是舍利弗母舅。由精勤故，得妙辯才。能一問十答，十問百答。即是得四無礙辯，觸問能答，故稱答問第一。

○**星宿尊者**：父母禱星宿而生，即離婆多，又譯假和合。由斯坐入禪定，心無顛倒，意不散亂。故云無倒亂第一。

○**繼道尊者**：即周利槃陀伽，周利是兄名，譯大路邊。槃陀伽，譯繼道，相繼於道路而生。其母二次，皆於歸家途中生子。因根機愚鈍，僅持一偈。於一百日，得前遺後，得後遺前，兄遣還俗，哭泣不已，佛憐而教之，使誦掃帚不輟。於三七日，將一把無相掃帚，把心地見思煩惱，掃得乾乾淨淨，得阿羅漢果，具足辯才，義持第一。

○難陀，此云喜，即孫陀羅難陀。孫陀羅，此云好愛，亦云端正，乃其妻名。

※喜尊者：佛之親弟。四月九日生，身黃金色，具三十相。短佛四指，故稱儀容第一。

○阿難陀，此云慶喜，或云歡喜。如來成道時生，王大歡喜，舉國欣慶，因名慶喜。阿難

隨佛入龍宮天上，見龍女天女，心無染著，故又名無染。

※慶喜尊者：至二十歲，佛度出家。要求佛將二十年所說之法，重為宣說，悉能記憶。迦

葉云：【佛法大海水，流入阿難心】，故稱多聞第一。結集經藏，皆賴尊者之力。

○覆障尊者：即羅侯羅。過去因塞鼠穴六日，報感在胎六年，故云覆障，是佛之子。

○憍梵波提，此云牛伺，亦云牛王。宿世惡口，感此餘報。

※牛伺：指人把食物吃進胃里又吐了出來，猶如牛反芻一樣的病癥。

※憍梵波提：過去世為沙彌，見老比丘誦經，輕弄云：如牛食草。老比丘已證阿羅漢果，

告云：汝此言有罪，隨即懺悔，猶墮落五百世為牛。餘報未盡，恆事虛哨如牛伺故名。

佛恐世人，睹形不知觀德，譏謗又要獲罪，於是令居天上，諸天敬奉，故受天供養第一。

○賓頭盧頗羅墮：上三字譯為不動，下三字譯為利根，不動是名，利根是姓。因其族有十八種故，特以先名後姓，以別餘族。尊者根性最利，不為外境所動故名。

※不動尊者：昔樹提長者，以鉢置剎竿上，號於眾曰：誰能現通取鉢，當以與之。尊者即時現通取之，佛訶責不許入滅，留身世間，應末世供，為人天福田，故稱福田第一。

○迦留陀夷：譯為黑光。身形粗黑而有光，是由宿世裸體在佛前燃燈之報。以裸體故感身粗黑，以燃燈故感全身光耀。

※黑光尊者：身形麤黑有光，人見驚駭，佛禁夜行，因之而始。此尊者為佛使者，摩利夫人師事焉。教化夫婦同證道果者，數滿一千；一人證果者，不知其數，故稱教化第一。

○摩訶劫賓那：譯為房宿，是星名，由父母禱房宿而生。房宿乃二十八宿中，第四星。

※房宿尊者：能善知星宿，故云知星宿第一。

○薄拘羅：譯為善容。顏貌嚴肅端正，是因布施得之。毘婆尸佛時，曾施一訶黎勒果（譯為天主持來，五藥之一），救一病僧，果報感得五不死。五不死者，初生現異（肉團），父母以為怪物，置之熬盤火煎，不死是一；復置釜中湯煮，不死是二；復置水中，水淹不死三也；復被大魚所吞，魚噉不死四也；魚被人獲，刀剖子現，刀傷不死五也。又昔曾嚴持不殺戒，感九十一劫長壽，現世享受百六十歲，在諸弟子中壽命第一。

○無貧尊者：即阿冕樓陀，《楞嚴經》名阿那律陀。譯云無貧，亦云如意。由往昔饑世時，以自己所食稗飯，施一辟支佛，因是七生天上為天王，七生人間為人王，後生生世世所求如意，資用充足，乃至九十一劫，不受貧窮之苦故以名。

※此尊者性好睡，每聽佛陀說法，時常昏沉不省，佛欲警戒故大聲呵斥：「咄咄何為睡，螺獅蚌蛤類，一睡一千年，不聞佛名字。」尊者被斥而發憤精進，經七晝夜，眼不交睫，雙目餓死：即目失明。佛陀慈悲教其修習「樂見照明金剛三昧」，不久遂得天眼通，觀

大千世界如掌中菴摩羅果（菴摩羅：西域果名，意取一目瞭然也），是為天眼第一。

○為影響眾者：或過去古佛，倒駕慈航；或法身大士，隱本垂跡；或他方聖眾，影響法會，助宏道化。

○得第一義悉檀之益：第一義悉檀，為四悉檀之一，得入理益。即入中道第一義諦之理。

※四悉檀：悉檀，為梵語。以下糅合丁福保《佛學大辭典》）

*悉，為漢語普徧之義；檀為梵言檀那之略，是施之義。佛以此四法普施眾生，故云悉檀。

一、世界悉檀：佛先順凡情用人我等假名，隨順眾生所樂而說世界之法，令聞者歡喜適悅。二、各各為人悉檀：佛說法，鑑眾生之機，隨機宜之大小，宿種之淺深，說各人所應之法，令彼發起正信，增長善根。三、對治悉檀：貪欲多者教以不淨，愚痴多者教以因緣觀，如是施種種之法藥，除遣眾生之惡病。四、第一義悉檀：佛見眾生之機緣既熟，說諸法實相，令彼入於真證。要之，佛始說淺近之事理，令聞者適悅者，世界也；令眾

生生善根者，為人也；除遣眾生之惡病者，對治也；遂使悟入聖道者，第一義也。

○增道損生者：道即中道第一義諦，增證一分，即為增道。損生者：損無明之生長也。謂證一分中道，損一品無明，故云增道損生也。

○當機眾：若約得益，又為當機眾，謂堪能荷當，領悟妙法之機。如楞嚴，阿難為當機；法華，身子為當機等。聞此念佛法門，悟唯心淨土，見自性彌陀；破一分無明，證一分三德。自淨佛土：即淨自心之佛土。復名當機眾者：因此等常隨眾之機，與念佛之教相當，堪能得益，故稱為當機眾矣。

○并者：及也。承前文義，在會聽眾，不獨聲聞，諸菩薩，亦所同聞。

○菩薩：具足應云：菩提薩埵，我國好略單稱菩薩，譯為覺有情，覺是覺悟，有情即六道眾生之通稱（因有種種情見故），同佛所證曰覺（覺則異眾生），無明未盡曰有情（有情則異諸佛）。

○大道心者：即運智上求佛道也。成就眾生，乃運悲下度眾生也。故曰：悲智雙運。

○文殊師利：此云妙德，又云妙吉祥，以其降生時，有十種祥瑞。為七佛之師，過去已成龍種尊王如來。勇猛實智：即根本智。

○法王子：菩薩能紹隆佛種，輔佛行化，救度眾生，堪能承佛家業，故稱法王子。

○梵語彌勒：此云慈氏，姓也。本名阿逸多，此云無能勝。當來成佛，龍華三會，度眾無量，現居等覺之位。在兜率天內院，候補作佛。

○乾陀訶提：譯為不休息。此菩薩，常修萬行，廣度眾生，歷恒沙劫，未嘗暫停，思益經云：「恒河沙劫為一日，三十日為一月，十二月為一年，過百一十萬億劫得值一佛，如是值恒河沙佛，行諸梵行修習功德，然後授記，心不休息，故號乾陀訶提。」

○常精進菩薩：常是恒常（不間斷），純一不雜曰精，向前無退曰進，究竟精進。謂此菩薩歷劫廣修梵行，普度眾生，一向精進無倦，故名常精進。如《大寶積經》云：「此菩

薩為一眾生，經無量劫，隨逐不捨，猶不受化，曾無一念棄捨之心。」

※《大乘起信論》云：「云何修行進門？所謂於諸善事，心不懈退，立志堅強，遠離怯弱。

當念過去久遠已來，虛受一切身心大苦，無有利益。是故應勤修諸功德，自利利他，速離眾苦。復次，若人雖修行信心，以從先世來，多有重罪惡業障故，為邪魔諸鬼之所惱亂；或為世間事務種種牽纏；或為病苦所惱；有如是等眾多障礙。是故應當勇猛精勤，晝夜六時，禮拜諸佛，誠心懺悔，勸請，隨喜，迴向菩提，常不休廢，得免諸障，善根增長故。」

※《大乘起信論》云：「以知法性無身心相，離懈怠故，隨順修行毗黎耶（精進）波羅蜜。」

○釋提桓因，此云能為主，即忉利天王。

※梵語忉利，華言三十三天，此天在須彌山頂。正中善法堂天，四方各有四天。四隅山峰，亦各有四天，則成三十三。帝釋居中，四方皆輔佐。忉利天主，佛為授記號無著尊佛。